



## Առկա մագիստրատուրայի 2020-2021 ուսումնական տարվա ընդունելության պայմանները

ՀՊՏՀ առկա ուսուցմամբ մագիստրատուրա մրցութային կարգով կարող են ընդունվել ՀՀ պետական և ըստ մասնագիտությունների հավատարմագրված ոչ պետական բարձրագույն ուսումնական հաստատությունների բակալավրի, դիպլոմավորված մասնագետի կամ մագիստրոսի որակավորում ունեցող անձինք: Մագիստրոսի աստիճան ունեցող քաղաքացիները երկրորդ մագիստրոսական կրթություն կարող են ստանալ միայն վճարովի հիմունքներով:

Առկա մագիստրատուրայի ընդունելությունը կատարվում է **հետևյալ կերպ**.

Ա. **Պետության կողմից ուսման վարձի լրիվ փոխհատուցմամբ /անվճար/** ընդունելության կարող են մասնակցել միայն ՀՊՏՀ առկա բակալավրիատի 2019/2020 ուսումնական տարվա համապատասխան որակավորման աստիճան ունեցող այն շրջանավարտները, որոնց դիպլոմի հավելվածում գրանցված ուսումնառության բոլոր կիսամյակների հանրագումարայի միջին որակական գնահատականը (ՄՈԳ) կազմում է առնվազն 17,01:

**Թափուր տեղերի** առկայության դեպքում մրցութին կարող են մասնակցել նաև **տվյալ որակավորման աստիճան ունեցող այլ բուհեր ավարտած դիմորդները**:

Ընդունելությունը կատարվում է մրցութային հիմունքներով՝ ըստ դիմորդների ՄՈԳ-երի (հարյուրերորդականի ճշտությամբ):

Դիմորդների հավասար ՄՈԳ-ի պարագայում առաջնահերթության կարգով հաշվի են առնվում հետևյալ լրացուցիչ չափանիշները՝

- Գերազանցության դիպլոմի առկայությունը
- Ավարտական աշխատանքի պաշտպանությունից ստացած միավորը
- մասնագիտական և մասնագիտացման առարկաներից ստացած միավորների գումարը

**Բանակից զորացրված (ԲԶ)** դիմորդների համար նախատեսված տեղերի շրջանակներում տվյալ կրթական ծրագրով առկա անվճար ուսուցման մագիստրատուրայի ընդունելության մրցութին մասնակցելու համար կարող են դիմել **ՀՊՏՀ բակալավրի համապատասխան որակավորման աստիճան ունեցող ունեցող, պարտադիր ժամկետային զինվորական ծառայություն անցած և վերջին երեք օրացուցային տարվա ընթացքում զորացրված դիմորդները**: Ընդունելությունը կատարվում է առանց շեմային քննության, մրցութային կարգով՝ նախորդ ուսումնառության դիպլոմի հավելվածում գրանցված ՄՈԳ-ի հիման վրա: Բանակից զորացրված դիմորդների համար նախատեսված տեղերի շրջանակներում ընդունելության մրցութին մասնակցելու համար կարող են դիմել մինչև սույն թվականի **օգոստոսի 26-ը ներառյալ**:

Պետության կողմից ուսման վարձի լրիվ փոխհատուցմամբ /անվճար/ տեղերի համար **դիմորդները** փաստաթղթերն ներկայացնում են **առցանց 2020թ. հունիսի 16-ից 30-ը ներառյալ**:

Բ. Առկա ուսուցման մագիստրատուրայի բուհի կողմից ուսման վարձի մասնակի գեղչի կիրառմամբ /վճարովի/ համակարգ կարող են դիմել ՀՊՏՀ և այլ պետական ու ըստ մասնագիտությունների հավատարմագրված ոչ պետական բուհերի առկա և հեռակա ուսուցման ընթացիկ և նախորդ տարիների բակալավրի, դիպլոմավորված մասնագետի կամ մագիստրոսի որակավորում ունեցող շրջանավարտները:

Սահմանված տեղերի շրջանակներում, **առանց մասնագիտական շեմային քննության**, ընդունելության մրցույթին կարող են մասնակցել **համապատասխան որակավորման աստիճան ունեցող ՀՊՏՀ շրջանավարտները**:

Անվճար ուսուցման համակարգի մրցույթից դուրս մնացած պարտադիր ժամկետային զինվորական ծառայություն անցած և վերջին երեք տարվա ընթացքում գորացրված դիմորդները կարող են մասնակցել վճարովի համակարգի ընդունելությանը՝ մրցույթային կարգով: Պարտադիր ժամկետային զինվորական ծառայություն անցած և ավելի քան երեք տարի առաջ գորացրված դիմորդների ընդունելությունը կատարվում է միայն վճարովի համակարգում՝ մրցութային կարգով: Ուսման վարձի մասնակի գեղչի կիրառմամբ /վճարովի/ առկա ուսուցմամբ մագիստրատուրա ընդունվելու համար ՀՊՏՀ-ն ավարտած համապատասխան որակավորման աստիճան չունեցող բոլոր դիմորդները հանձնում են ըստ կրթական ծրագրերի համապատասխան շեմային քննություն: **Այլ բուհեր ավարտած բոլոր դիմորդները, անկախ որակավորումից, նույնպես պետք է հանձնեն ըստ կրթական ծրագրերի համապատասխան շեմային քննություն:** Յուրաքանչյուր կրթական ծրագրի շեմային քննությանը կարող էք ծանոթանալ [այստեղ](#), իսկ հարցաշարերին՝ [այստեղ](#):

Ըստ ՄՈԳ-երի ընդունելության մրցույթին սահմանված տեղերի շրջանակներում մասնակցում են համապատասխան **որակավորման աստիճան ունեցող ՀՊՏՀ** և այլ բուհերի շրջանավարտները, ՀՊՏՀ կամայլ բուհերի **համապատասխան որակավորման աստիճան չունեցող** շրջանավարտները, ովքեր դրական գնահատական են ստացել շեմային քննությունից:

**Բուհի կողմից ուսման վարձի մասնակի գեղչի կիրառմամբ /վճարովի/ տեղերի համար փաստաթղթերն ընդունվում են երկու փուլով՝**

❖ 1-ին փուլ - **ա/թ հունիսի 16-ից 30-ը ներառյալ,**

❖ 2-րդ փուլ - **ա/թ օգոստոսի 1-ից 26-ը ներառյալ:**

➤ 1-ին փուլի դիմորդները շեմային քննությունները հանձնելու են **Ս/թ հուլիսի 3-ին ժամը 11:00-ին, իսկ 2-րդ փուլի դիմորդները՝ օգոստոսի 27-ին, ժամը՝ 11:00-ին:**

Առկա ուսուցմամբ վճարովի մագիստրատուրա ընդունված դիմորդների վերջնական հրամանագրումը կատարվում է առաջին կիսամյակի ուսման վարձի վճարման թույլտվություն ստանալուց հետո մեկ ամսվա ընթացքում կիսամյակի ուսման վարձը վճարելու և վճարման կտրոնը մինչև սեպտեմբերի 15-ն ընդունող հանձնաժողով ներկայացնելու դեպքում:

Դիմորդները ներկայացվում են հետևյալ փաստաթղթերը.

1. մագիստրատուրայի ընդունելության դիմում-հայտ (լրացվում է առցանց),
2. բարձրագույն կրթության դիպլոմի և դրա հավելվածի բնագրերն ու պատճենները կամ ակադեմիական տեղեկանքը (տվյալ տարվա այն շրջանավարտների դեպքում, ովքեր դեռ չեն ստացել ավարտական փաստաթուղթը),
3. անձնագրի լուսապատճենը,

4. 3 x 4 սմ չափի թվային լուսանկար,

5. զինվորական գրքույկի (առկայության դեպքում) կամ կցագրման վկայականի լուսապատճենը,

6. վերջին 3 տարվա ընթացքում ժամկետային զինվորական ծառայությունից զորացրված դիմորդները, ովքեր տվյալ մասնագիտության գծով մասնակցում են բանակից զորացրվածների (ԲԶ) համար հատկացված տեղերի մրցույթին, ներկայացնում են նաև տեղեկանք զինկոմիսարիատից (լուսապատճեն)՝ ծառայությունից զորացրվելու վերաբերյալ,

7. դիմորդի առանձնահատուկ կարգավիճակը (արտոնությունը) հավաստող փաստաթղթի լուսապատճենը:

8. ՀՀ օրենսդրությամբ սահմանված արտոնություններից օգտվող դիմորդները ներկայացնում են համապատասխան փաստաթղթեր (1-ին կամ 2-րդ խմբի հաշմանդամության, ՀՀ պաշտպանության ժամանակ զոհված (մահացած) զինծառայողի երեխա լինելու, ժամկետային զինվորական ծառայության պարտականությունները կատարելիս հաշմանդամ դառնալու, առանց ծնողական խնամքի մնացած՝ մինչև 23 տարեկան երեխա լինելու մասին):

➤ **ՈՒՇԱԴՐՈՒԹՅՈՒՆ:** Նշված բոլոր փաստաթղթերի բնօրինակները և պատճենները անմիջապես պետք է ներկայացվեն համալսարանի դիմորդի կողմից ընդունող հանձնաժողովի պահանջի դեպքում: Դիմորդների փաստաթղթերը ընդունվում են ՀՊՏՀ-ում՝ Երևան, Նալբանդյան 128 հասցեով, իսկ Գյումրիում և Եղեգնաձորում՝ մասնաճյուղերի ընդունող հանձնաժողովներում:

**Դիմում-հայտում դիմորդը կարող է հայտագրել 2 (երկու) մագիստրոսական կրթական ծրագիր՝ ըստ նախապատվության:** Հայտում նշված առաջին ծրագրի չբացվելու կամ մրցույթից դուրս մնալու դեպքում դիմորդը մասնակցում է երկրորդ ծրագրի մրցույթին: Ծրագիրը չի բացվում, եթե ուսանողների թիվը չի համապատասխանում ՀՊՏՀ գիտական խորհրդի 2019 թվականի հունիսի 18-ի N 2 որոշմամբ սահմանված պահանջին: Եթե դիմորդի հայտագրած ծրագրերից ոչ մեկը չի բացվում, ապա ընդունող հանձնաժողովը նրան առաջարկում է որևէ այլ կրթական ծրագիր, որտեղ առկա են թափուր տեղեր՝ տվյալ կրթական ծրագրի մուտքային պահանջները բավարարելու կամ շեմային քննությունը հանձնելու պայմանով:

Մանրամասն տեղեկությունների համար զանգահարել **(010) 589-443** հեռախոսահամարով: